



*Selasa 15 Desember 2020*

**Ogen: Ketangkasan 2:10**



**Erkiniteken Seh Mate**



**A**pai nge semangatn kita ngerana kerna kegeluhen asangkan kematen? Pasti jababta kegeluhen, adi banci sisilahi nge ateta ngerana kerna kematen aminna labo tersilahi. Adi ngerana kerna kegeluhen seh kal buena si banci situriken bagepe si arapken (nipiken). Adi kitik denga anakta, lampas mbelin, sisekolahken dengen arapken masa depanna seh erjabu bagepe lit kempu-kemputa. Geluhta secara pribadi pe amin enggo kita metua, melala denga si ateta silakoken, mbelin denga sura-suranta, erjile-jile, nukur baju, geluh erguna man keluarga, gereja ras masyarakat. La sitik target-target si ateta si capai, ibas dahinta ntah kai pe dahinta: perjuma, ku kantor, pebisnis, ras sidebanna.

Ibas kerina siiperjuangken kita e, silakoken asa gegeh ras ngasupta, sitotoken, sidahiken. Janah kerina siperjuangken kita e erkedungen, rujung kubar pendungi geluh, eme jumpa kematen. Sabab labo tersilahi kerna kematen e, ije me ngadina kerina sura-sura ras arapen. Emaka sope seh ku kematen e la sitik si arus si ukuri, la saja kerna kegeluhen jabu, ncukupken kerina keperluan geluh, nehi sura-sura janah selaku kalak sierkiniten lit si arus iperjuangken selain keperluan daging kula. Ibas kerina si perjuangken e arus tetap palasna kubar kesetian man Tuhan Yesus Kristus. La sitik tantangan, godan, si atena ngerintak kita guna nadingken kiniten, gelah la setia, alu erbage tawaren doni enda.

Setia seh mate, secara umum kematen jadi sada hal sinibiari manusia amin bage sieteh nge kita maka amin ibiari kerina manusia pasti nge ngalaken kematen. Secara iman Kristen, ngidah kematen eme sada dalam kubar kegeluhen si rasa lalap. Teptep paksa kita erjuang ngalaken kematen alu gegeh kegeluhen. Sipenting kuga kita ndalani geluh e alu paguh ibas kiniten man Kristus she paksana kita ndahi IA irumah si kekal.



*Sope seh kematen e me kita perlu erjuang ibas kiniten*